

יחדו אל-באר שבע וישב
אברהם בבאר שבע:

^{מפטיר} ויהי אחרי הדברים האלה ויגד
לאברהם לאמר הנה ילדה
מלכה גם-הוא בנים לנחור
^{כא} אחיך: את-עוץ בכרו ואת-בוז
אחיו ואת-קמואל אבי ארם:
^{כב} ואת-כשד ואת-חזו ואת-
פלדש ואת-יודלף ואת בתואל:
^{כג} ובתואל ילד את-רבקה שמנה
אלה ילדה מלכה לנחור אחי
^{כד} אברהם: ופולגשו ושמה
ראומה ותלד גם-הוא את-
טבח ואת-גחם ואת-תחש
ואת-מעכה:

^{חיי שרה} כגא ויהיו חיי שרה מאה שנה
ועשרים שנה ושבע שנים שני
^ב חיי שרה: ותמת שרה בקרית
ארבע הוא חברון בארץ כנען
ויבא אברהם לספד לשרה
^ג ולבפתה: ויקם אברהם מעל
פני מתו וידבר אל-בני-חת
^ד לאמר: גר-ותושב אנכי עמכם
תנו לי אחוזת-קבר עמכם
^ה ואקברה מתי מלפני: ויענו
בני-חת את-אברהם לאמר
^ו לו: שמענו | אדני נשיא אלהים
אתה בתוכנו במבחר קברינו

קבר את-מתך איש ממנו את-
קברו לא-יכלה ממך מקבר
^ז מתך: ויקם אברהם וישתחו
^ח לעם-הארץ לבני-חת: וידבר
אתם לאמר אם-יש את-
נפשכם לקבר את-מתי מלפני
שמעוני ופגעו-לי בעפרון
^ט בן-צחר: ויתן-לי את-מערת
המכפלה אשר-לו אשר בקצה
שדהו בכסף מלא יתננה לי
^י בתוככם לאחוזת-קבר: ועפרון
ישב בתוך בני-חת ויען עפרון
החתי את-אברהם באזני
בני-חת לכל באי שער-עירו
^{יא} לאמר: לא-אדני שמעוני
השדה נתתי לך והמערה
אשר-בו לך נתתיה לעיני בני-
עמי נתתיה לך קבר מתך:
^{יב} וישתחו אברהם לפני עם
הארץ: וידבר אל-עפרון באזני
עם-הארץ לאמר אך-אם-
אתה לו שמעוני נתתי כסף
השדה קח ממני ואקברה את-
^{יג} מתי שמה: ויען עפרון את-
^{יד} אברהם לאמר לו: אדני
שמעוני ארץ ארבע מאת
שקל-כסף ביני ובינה מה-
^{טו} הוא ואת-מתך קבר: וישמע
אברהם אל-עפרון וישקל
אברהם לעפרון את-הכסף

אשר דבר באזני בני-חת ארבע
מאות שקל כסף עבר לסחר:
^{יז} ויקם | שדה עפרון אשר
במכפלה אשר לפני ממרא
השדה והמערה אשר-בו וכל-
העץ אשר בשדה אשר בכל-
^{יח} גבלו סביב: לאברהם למקנה
לעיני בני-חת בכל באי שער-
^{יט} עירו: ואחרי-כן קבר אברהם
את-שרה אשתו אל-מערת
שדה המכפלה על-פני ממרא
^כ הוא חברון בארץ כנען: ויקם
השדה והמערה אשר-בו
לאברהם לאחוזת-קבר מאת
בני-חת:
^{כא} ואברהם זקן בא בימים
ויהוה ברך את-אברהם בכל:
^{כב} ויאמר אברהם אל-עבדו
זקן ביתו המשל בכל-אשר-לו
שים-נא ידך תחת ירכי:
^{כג} ואשביעה ביהוה אלהי
השמים ואלהי הארץ אשר
לא-תקח אשה לבני מבנות
הכנעני אשר אנכי יושב
^{כד} בקרבן: כי אל-ארצי ואל-
מולדתי תלך ולקחת אשה
לבני ליצחק: ויאמר אליו
העבד אולי לא-תאבה האשה
ללכת אחרי אל-הארץ הזאת
ההשב אשוב את-בנה אל-